

## **Amarka L. 14 rep.**

**Sameynta lacag ku magaacaban “somaali” ee dhulka Soomaaliya.**

### **MAAMULKA WASAAYADDA SOOMAALIYA EE TALYAANIGA**

#### **MAAMULAHA**

Marka uu arkay xeerka lamba. 8 Febbraayo 1950;

Marka uu arkay ekereetada Madaxweynaha Jamhuuriyadda Talyaaniga ee 31 Maars 1950;

Markuu Tixgaliyay heshiisiydi lala galay masuulinta Britan, sida uu qabo qod. 23, sadarka labaad, Heshiiska Wasaayadda ee ka dhacay Ginevra ee lala galay Golaha Maamulka Wasaayadda, 27 Jannaayo 1950, oo ay ku jiraan in la baddalo lacagta ka socota Dhulka marka xilka lala kala wareegayo;

Xusmaynayo awoodda la siiyay;

### **WUXUU AMAR KU BIXINAYAA**

#### **Qod. 1**

Waxaa loo sameeyay dhulka Soomaaliya ee ku jira Maamulka talyaaniga lacag ku magaacaban “somaali”.

Soomaaligu wuxuu u qaybsanyahay sunuud.

#### **Qod. 2**

Soomaaliga wuxuu u dhigmaa dahabka 0,124414.

#### **Qod. 3**

Waxaa loo oggolaaday in loo soo saaro dhulka Soomaaliya ee ku hoos jira maamulka talyaaniga:

- lacago hal waraqad, kow, shan, toban, labaatan iyo boqol;
- qaddadicda qalin hal somaali iyo mid kontan santi;
- lacgta maarta hal, shan iyo toban senti ee soomali.

#### **Qod. 4**

Tallaabooyin gooni ah ayaa lagu goynayaa calaamadaha iyo qaababka farsom iyo farshaxan ay yeelanayaan iyo xaddiga lacagta iyo waraqaha lacageed ee la soo daabacayo ee lagu soo sheegay qodobka sare.

#### **Qod. 5**

Soomaliga oo leh qaybaha uu ka koobanyahay iyo kuwa uu ka sii koobanyahay waa lacagta keliya ee socota dhulka Soomaalia ee ku jira Maamulka talyaaniga; wuxuuna ku leeyahay, dhulka awood buuxda oo xora, waana khasb in sida uu yahay ay ku aqbalaan dadka marka wax dhexmaraan iyo lacagaha loo xareenayo dawladda.

Kadka awoodda uu leeyahay ee lacagta kontonka senti waxa lagu jaangooyay labaatan shilin, qaddadiicda midka qura, shanta iyo tobanka senti waa hal shilin soomaali.

#### **Qod. 6**

Mudnaanta samaynta iyo soo saaridda lacagta qaddadiicda iyo waraaqaha ee ku xusan qod. 3 waa la siiyay khasnadda uu qaabilsan wareegga lacagta Soomaalia, oo xarunteedu tahay Roma, waqtiga iyo xaaladaha lagu sheegay heshiiska gaarka. Hawlgalada khasnadda waxaa u xilsaar Bangiga Talyaaniga (Banca di Italia) oo maamul gooniya u xilsaaraya.

## **Qod. 7**

Khasnadda qaabilsan waregga lacagta Soomaalia waa in ay yeelataa keyd dammaanada leh, oo ka kaban dahab, qalin iyo lacago boqolkiiba boqol la eg waraaqaha iyo lacagaha qaddaadiicda shaqeeya halka shilin iyo qaybaha uu ka koobanyahay.

Khasnadda waxay u fasaxantahay in ay haysato, keyd ahaan, qaddar lacaga oo aan ka badnayn saddex meelood meal lacagta wareegaysa.

## **Qod. 8**

Keerarka ka jira Talyaaniga ee ku saabsan samaynta iyo, soo saaridda iyo wareegga lacagta, waxaa lagu dabbaqi karaa samaynta, soo saaridda iyo wareegga lacag soomaaliga.

Hawlgallada lagu ilaalinayo hawlaho Khasnadda Soomaaliya waxaa si caadi ah u xilsaaran ilaaliye uu soo magacaabo Maamulaha.

## **Qod. 9**

Lacagaha qaddaadiicda iyo warqadaha waqtiga xaadirka si sharci ah uga shaqeeya dalka, waa laga uruurinaya.

Hawlaho uruurinta iyo baddalka lacagaha qaddaadiicda iyo warqadaha ee lagu soo sheegay faqradda sare, oo gacanta ugu jira dadka iyo shaqsiyaadka sharci ee dalka deggan ama hawlo ka haya, waxa Khasnada lacagaha Soomaaliya uga wakiila Bangiga Talyaaniga , laga bilaabo taariikhda, waqtiga, shuruudaha iyo qaabka loo dejiyay ayaan qaraar gooniya ku qabanaya. Ilaa muddadaas dhammaato lacagaha qaddaadicda iyo warqadaha la soo sheegay waxay yeelanayaan si xora awoodooda.

## **Qod. 10**

Sarifka lacagaha qaddaadiicda iyo waraaqaha lagu soo sheegay qod. 9 ee amarkaan waxaa loo fulinayaan sida soo socota:

- wixii ku saabsan shilinka E.A waxaa lagu salaynayaan soomaali u dhigma 0,12414 oo dahaba;
- wixii ku saabsan liiraha talyaaniga waxaa lagu saleynaya xiriirkha waxa u dhigma kan la soo sheegay dahabka soomaaliga iyo Dollaeka U.S.A. iyo sidoo kale qiimaha rasmiga ee kan u dambeeyaa ee uu gooyay Xaafiska Sarifka Talyaaniga taariidkha lagu sheegay qaraarka ku xusan qod. 9 ee la soo sheegay.

## **Qod. 11**

Taariikhda ay bilaabato sarifka dhammaan wixii waajibaad lacageed ee shilinka E. A. ama liraha talyaaniga cinwaan kasta ha lahado, oo meesha laga bixinayo ay ku taallo Soomaaliya, waxaa loo baddalayaa soomaali marka loo eego xiriirkha kala dhexeeyaa qod. 10 ee la soo sheegay.

## **Qod. 12**

Amarkaan wuxuu dhaqngalayaa marka lagu baahiyoo Faafinta Rasmiga.

Muqdisho, 16 Maao 1950.

Maamulaha

**Fornari**